

614/2024 EBAZPENA, IRAILAREN 5EKOA, OSAKIDETZAKO GIZA BALIABIDEETAKO ZUZENDARIARENA. HONEN BIDEZ, ALDI BATERAKO BARNE SUSTAPENAREN BIDEZ ETA ZERBITZU EGINKIZUNEN BIDEZ LANPOSTUAK BETETZEKO DEIALDIA EGITEN DA. LANPOSTU HORIEK ARLO KORPORATIBOKO TEKNIKARI ARDURADUN – EKONOMIAKO GOI MAILAKO TEKNIKARI – DIRA, ETA HONAKO LANPOSTU HAUETAN DAUDE: EROSKETA ZERBITZUAN, FINANTZA, AURREKONTU ETA EROSKETA ZUZENDARIORDETZAN, ZUZENDARITZA EKONOMIKO ETA FINANTZARIOAN, OSAKIDETZA-EUSKAL OSASUN ZERBITZUKO ZUZENDARITZA NAGUSIAN.

LANPOSTUA: KORPORAZIO ARLOKO TEKNIKARI ARDURADUNA – GOI MAILAKO EKONOMIA TEKNIKARIA

DESTINOAK: BOST LANPOSTU ZUZENDARITZA NAGUSIKO FINANTZA, AURREKONTU ETA EROSKETA ZUZENDARIORDETZAKO EROSKETA ZERBITZUAN

LANALDI: zatitua (Vitoria-Gasteiz).

HIZKUNTZA-ESKAKIZUNA: 3. HE duten 2 lanpostu, derrigortasun-data: 2019/03/28, eta 3. HE, derrigortasun-datarik gabe

BALDINTZAK: (Agiri bidez egiaztatu beharko dira, CV aplikazioan jasota egon ezean).

Aldi baterako barne-sustapeneko eskatzaileentzat:

- Karrerako funtzionarioa, estatutupeko langilea edo lan-kontratuko langile finkoa izatea, Osakidetza-Euskal osasun zerbitzuko zerbitzu-erakundeei atxikia.
- Zerbitzu aktiboan egotea eta lortu nahi den lanpostuaren titulazio-maila bereko edo beheragoko kategoria batekoa izatea.
- GOI MAILAKO EKONOMIA TEKNIKARIAREN kategoriako karrerako funtzionario, estatutupeko langile finko edo lan-kontratu finkorik ez izatea, izendapen edo kontratu horrekin lotutako administrazio-egoera edozein dela ere.
- Zuzendaritza Nagusira langile finko gisa atxikita egotea, Zuzendaritza Nagusiko langileen arteko barne-sustapenaren kasuan.
- Zuzendaritza Nagusiaz bestelako zerbitzu-erakunde batera langile finko gisa atxikita egotea, zerbitzu-erakundeen arteko barne-sustapenaren kasuan.
- Kategoria bereko lanpostu batean aldi baterako barne-sustapenean badago, egoera horretan urtebete baino gehiago jarraian egotea.

- Osakidetza-Euskal Osasun Zerbitzua Ente Publikoaren lanpostu funtzionalak arautzen dituen uztailaren 19ko 186/2005 Dekretuan ezarritako titulazioa eta deitutako azken EPEko kategoriaren deialdiko oinarrietan eskatzen diren gainerako titulazio-eskakizunak izatea.

Baldintza horiek eskabideak aurkezteko epearen azken egunean bete behar dira.

Zerbitzu-eginkizunen eskatzaileentzat:

- Karrerako funtzionarioa, estatutupeko langilea edo lan-kontratadun finkoa izatea, Osakidetza-Euskal osasun zerbitzuko zerbitzu-erakundeei atxikia, edo Osasun Sistema Nazionaleko gainerako osasun-zerbitzuetako karrerako funtzionarioa edo estatutario finkoa, GOI MAILAKO EKONOMIA TEKNIKARIAREN kategorian.

- Zerbitzu aktiboan egotea eta lanpostua jabetzan duen edo zerbitzu aktibora behin-behinean itzuli delako atxikita dagoen zerbitzu-erakundea ez den beste batean lanpostuak betetzeko eskaera egitea.

Baldintza horiek eskabideak aurkezteko epearen azken egunean bete behar dira.

MEREZIMENDUEN BAREMOA (agiri bidez egiaztatu beharko dira, CV aplikazioan jasota ez badaude):

Aldi baterako barne-sustapeneko eskatzaileentzat:

- EPEko oposizio-fasea (Gehienez 100 puntu)
- Lanbide-esperientzia (Gehienez 80 puntu)

Eskabideak aurkezteko epea irekitzen den egunera arte aitortuta duten zerbitzu-denbora zenbatuko da.

Zerbitzu-eginkizunen eskatzaileentzat:

- Lanbide-esperientzia, kategoria honetako azken lekualdatze-lehiaketan. (Gehienez 50 puntu).

Eskabideak aurkezteko epea irekitzen den egunera arte aitortuta duten zerbitzu-denbora zenbatuko da.

EUSKARAREN EZAGUTZA

Euskararen erabilera Osakidetzan normalizatzeko 67/2003 Dekretuaren 24. artikuluan ezarritakoarekin bat etorritik, derrigortasun-data igarota duten destinoen kasuan, euskara jakitea deialdian parte hartzeko baldintza izango da, eta ez da merezimenduetan baloratuko. Derrigortasun-datarik gabeko edo derrigortasun-data igarota ez duten destinoen kasuan, euskararen ezagutzaren balorazioari dagokion puntuazioa, lor daitekeen gehieneko puntuazioaren gainean, % 5 izango da 1. HE egiaztatuz gero, eta % 10 2. HE egiaztatuz gero.

ESKABIDEAK AURKEZTEA:

Interesdunek Osakidetzako Zuzendaritza Nagusiko Giza Baliabideen Zuzendaritzari (Araba kalea 45, 01006 Vitoria-Gasteiz) zuzendu beharko diote eskabidea, datu pertsonal guztiekin eta dokumentatutako curriculum vitaearekin (aplikazio informatikoan baliozkotuta dutenak izan ezik) eta eskatutako ezagutza espezifikoa egiaztatzeko egokitzat jotzen duten dokumentazioarekin batera.

Interesdunek aurkeztutako eskabidean, lortu nahi diren plaza guztiak adierazi beharko dira, baita zein ordenatan lortu nahi den ere.

Eskabideak aurkezteko epea 10 egun baliodunekoa izango da, deialdia web-orrian argitaratu eta hurrengo egunetik aurrera.

LEHENTASUN HURRENKERA

Lanpostua betetzeko lehentasun-ordena honako hau izango da:

1. – Aldi baterako barne-sustapena Zuzendaritza Nagusian. Lanpostua betetzeko sistema hori erabilia ezin bada lanpostua bete, hurrengo atalean aurreikusitakoa erabiliko da.
2. – Zerbitzu-eginkizunak. Sistema hori erabiliz lanpostua ezin bada bete, hurrengo paragrafoan aurreikusitakora joko da.
3. – Zerbitzu-erakundeen arteko aldi baterako barne-sustapena.

BALORAZIO BATZORDEA:

Balorazio-batzorde bat eratuko da, Emakumeen eta Gizonen Berdintasunerako eta Emakumeen aurkako Indarkeria Matxistarik gabeko Bizitzetarako Legearen testu bategina onartzen duen martxoaren 16ko 1/2023 Legegintzako Dekretuaren 21. artikuluan xedatutakoaren arabera, Giza Baliabideak Hautatu eta Hornitzeko zuzendariordea edo hark eskuordetutako pertsona buru dela, eta honako hauek osatuta: Finantza-, Aurrekontu- eta Erosketa-zuzendariordea, Finantza-, Aurrekontu- eta Erosketa-zuzendariordetzako zerbitziburua eta teknikari juridiko bat (azken horrek idazkari-lanak egingo ditu).

HAUTAKETA-PROZEDURA:

Interesdunek garaiz eta behar bezala aurkeztutako dokumentazioa aztertuko du Batzordeak. Aurrekoa ikusita, dagokion izendapena formalizatzeko proposamena egingo da. Balorazio Batzordeak plaza bete gabe utzi ahal izango du, izangaiek eskatutako baldintzak betetzen ez badituzte.

EBAZPEN HONEN AURKAKO ERREKURTSOAK:

Ebazpen honen aurka gora jotzeko errekurtsoa aurkez dakiok Osakidetza-Euskal Osasun Zerbitzuko zuzendari nagusiari. Horretarako, hilabeteko epea emango da, ebazpen hau argitaratu eta hurrengo egunetik aurrera.

Vitoria-Gasteiz, 2024ko irailaren 5a.

 **Osakidetza**

Josune Retegi Ormazabal
GIZA BALIA BIDEEN ZUZENDARIA
DIRECTORA DE RECURSOS HUMANOS
Giza Baliabideen zuzendaria,
JOSUNE RETEGI ORMAZABAL